



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mysticvm Heliotropivm Hoc Est Selectæ Industriæ Ad Unionem Cum Deo consequendam

Gianotti, Alfonso

Ingolstadii, 1658

Vtilitates harum Industriarum.

[urn:nbn:de:hbz:466:1-51801](https://nbn-resolving.org/urn:nbn:de:hbz:466:1-51801)

**UTILITATES SE
QUENTIUM INDU
STRIARVM.**

Prima & Principalis Vna est, quae
tamen, velut malum Punicum
multa grana, plures alias in se
complectitur. Est autem haec: quae
videlicet (supposito divinae gratiae
favore, & cordis tui munditia) usus
praxi sequentium Industriadum ani
ma sibi comparet jugem Praesentiae
DEI aliarumque perfectissimarum
divinarum Proprietatum memoriam,
quam non immerito dicere possumus
certum ac suave quoddam omnis fan
ctitatis & perfectionis seminarium:
enim praesentis semper memoria Deum
quodammodo possides, unice cave
bis, divinissimos ipsius oculos offen
dere, quibus te omnesque actiones
tuas apertissimas esse agnoscis; ani
mosè proinde resistes daemorum sug
gestio.

sequentium industriarum. 9

gestionibus, illorumque insultus re-
primis armis ab adiutrice DEI præ-
sentis manu subministratis; Mundū
floci facies, imò ne quidem cogitare
de illo sustinebis, quem tantillum es-
se vides ad immensitatem DEI cordi
tuo inclusi comparatum; sicuti stellas
in præsentia Solis obscuratas, aut ei-
usdem Solis, qui mundi oculus est,
luci comparatas non aliter quam mi-
nutas quasdam micantes terræ bestio-
las reputas. Verbo; isthoc ihelauro
(Memoria scilicet præsentia divina)
quem ex sequentibus industrijs faci-
le erues, si animam tuam locupleta-
veris, nã tu intimis DEI amicis imò
ipso DEO quodammodo similis eva-
des in Virtutum exercitio, vitæque
sanctitate; quod utiq; pro omni alia
utilitate sufficeret.

11. Tot ac tantis meritorum gra-
dibus animam tuam ditabis, quot &
quanti virtutum actus affectusq; pñ
a tuo

A 5

a tuo

à tuo corde, ore ac voluntate produbunt; tales autem & tam præstantes virtutum actus, quique in vitâ spirituali censentur excellentiores, sequentes industriæ suggerent.

III. Si alacri animo & affectu sequentes virtutum actus elicies, si adjuncta quoque conjunges proposita, apprimè tibi fervient loco interna orationis, in qua exercitium actuum virtuosorum & affectuum frequentatio sunt illud, quod potissimum intenditur.

IV. Præterea non minùs materia lectionis spiritualis suppeditabunt, & quidè magno cum animæ tuæ emolumento, si non cursim sed tardè, pacatè, & interpositis moris quandòque subsistens perlegas, animum in lectis firmando, unamq; ex ijs Veritatibus, quarum multas diètis exercitijs insertas reperies, meliùs discutiendo, & ad cognitionis lumen inflammata affectuum

sequentium industrialium. II

quum desideria adiungendo. Imò, si
ita tibi libeat, hæc industrialium loco ma-
nualis cuiusdam libelli tibi seruiant,
quo & in templis te utiliter distinare,
ex quo, etiam in aulis principum vel
ubivis locorum constitutus, hominũ
confortio & turbæ immixtus, varia
piorum affectuum jacula, & jacula-
toriarum precum suspiria in cor dile-
ctissimi tui IESV emittere poteris.

V. si fortè aptior ad sacram Sy-
naxin sumendam, ad missam dicendam
vel audiendam, te preparandi modus
tibi non suppetat, unam, vel plures
ex infra positis Industrijs cum vno al-
terove Colloquio adiuncto adhibe
debita & devota cum animi applica-
tione, ex quo immensæ Bonitati DEI
confusus non dubito fore, ut optimè
dispositum te sentias ad desiderandã
cordis tui cum bono IESV Vnionem.
Quod si post S. Synaxeos sumptionem,
aut subito sacro iisdem exercitijs uteris,

ris, facies rem DEO longè gratiore,
 & ad maius utilitatis devotionisque
 propriae augmentum, quàm si necesse
 quot Officiola aliàve latine compo-
 sitas precatiunculas ex conuetudine
 quâdam & sine debitâ attentione re-
 citâsses, quod vel maximè rudes & im-
 peritiores sibi dictum putent, qui ea
 quæ legunt vel dicunt non intelli-
 gunt, aut lectis non advertunt ani-
 mum; quò fit, ut licet multa orârini,
 antiquis imperfectionibus identidem
 scateant, nec millies licet iterare
 Communiones ipsis quidquam pro-
 sint, ac proinde sunt simillimi æthio-
 pi, qui quamvis millies sapone per-
 ungatur & lavetur, nigram
 tamen non mutat pel-
 lem,



MODUS